

845

2-24

~~1024~~

3652



845. 1024 10 NOV 2011
9-24

ՎՐԻՎԱՆ

(GEORGE SAND)

ՎԱՐՊԱԳՈՅՆ

ԱՐԳ

(LE NUAGE ROSE.)

ՄԱՆԿԱԿԱՆ ԱԷՊ.

ԹԱՐԳՄ.

Է. ԼԱԼԱՅԵԱՆՑ

Թ Ի Ֆ Լ Ի Ս

ՅՈՎՀՈՏՆԵՍ ՄԱՐՏԻՐՈՍԻԱՆՅԻ ՏՊԱՐԱՆ

ՕՐԲԵՆԵՆ ՓՈՂՈՑ, 5

1882



11 5 APR 2018

1882
(GEORGE BAZD)

GEORGE BAZD

1882

(THE HOUSE NOSE)

1882

1882

1882

2018

ԻՆՏ ԲԱԶՄԵՐԱԾՑ ՀՕՐԵՂԲՕՐ

ԳՐԻԳՈՐ ԼԱԼԱՅԵԱՆՅԻՆ

ԵՐԱՆՏԱԳԷՏ

ԹԱՐԳՄԱՆԻՉԵ՛

Дозволено цензурою. Тиф. 15 Апрелья 1882 г.
Типог II. Мартиросіанца. Орбеліан. ул., 7

ԳԻԳ

1882

M 2 APR 2013

1790/5
6060



Առաջարկելով մեր ընթերցողներին
երևելի Փրանսուհի հեղինակի այս մանկա-
կան վեպն, աւելորդ ենք համարում երկա-
րորէն բացատրելու տիկնոջ վեպերի գե-
րազանցութիւնը, շատանում ենք միայն
ևս հայրենակից մի մասենագրի խօսքերն
առաջ բերելով։—

«Ժօրժ Սան'ի (Ամանտին — Լիւսիլ —
օրօր Դիւպէն) վեպերը զուարճալի պատմու-
թիւններ չեն՝ որ կարելի լինի կարդալ Ժա-
մանակ անցկացնելու համար. դժբա արտա-
ջատութիւններ են մի զօրաւոր հոգու, որ
ձգտում է գէպի ճշմարտութիւն. մի հոգու,
որ համաշխարհային է և ծարաւ է հոգե-
կան ազատութեան. դժբա խոստովանու-
թիւններ են մի սրտի, որ փորձել է բոլոր
կրքերն ու տանջանքները, որ միշտ սէր է
որոնում և խաբւում է, շատ շուտ է յուսա-

Հատվում և մեշտ վաւովում է նոր յուսով.
որ անհոփում է իւր մէջ կնոջ սրտի խոր
զգացմունքները, և այլ մարդու սրտի զօրու-
թիւնը, որն Համար սէրը փիլիսոփայութիւն
է, իսկ մարդկութեան ծառայելը — նորա
կրօնը:“

Մի խօսք ևս. այս թարգմանութեան
մէջ մի փոփոխութիւն միայն նպատակա-
յարմար Համարեցինք. այն է՝ Փրանսիական
չատուկ անուններն, որոնք խորթ կարող են
թուիլ Հայ մանկան, փոխեցինք առաւել
ծանօթ և ընդհանուր գործածական չատուկ
անուանց: Մենք ՚ի նկատի ունեցանք և
Փրանսիական ընազերը և տեղ տեղ աւելի
Հեթանոսեցինք Պրանսերէնին քան թէ Ռու-
սերէնին:

Է. 1.



ՎԱՐԴԱԳՈՅՆ ԱՄՊ

ՄԱՆԿԱԿԱՆ ՎԵՊ.

Ա.

Կատարինէն երեք ոչխար էր պահում:
Նա դեռ ևս կարդալ և գրել չգիտէր,
բայց լաւ էր խօսում: Նա մի բարի աղ-
ջիկ էր, թէ և փոքր ինչ աւելորդ Հե-
տաքրքրութիւն ունէր և շուտ շուտ փո-
խում էր իւր ցանկութիւններն ու ոչ
մէկի վերայ Հաստատ չէր մնում: Զրօրհ-
նէնքից յետոյ, Կատարինէի երեք ոչխար-
ներն երեք գառն ծնան: Նոցանից եր-
կուսը շատ մեծ էին, իսկ երրորդը սաս-

տիկ փոքր էր, այնպէս փոքր, որ կարծես ճագար լինէր:

Նղիսաբէթ, Կատարինէի մայրը, շատ արհամարանքով էր նայում այս գառնուկին: Նղիսաբէթն ասում էր՝ թէ փոքրիկ գառնուկն ՚ի զուր է ծնուել, որովհետեւ չի մեծանալու, կամ այնպէս վտիտ պիտի լինի, որ իւր կերած խոտին անգամ չի արժենալ:

Այս խօսքերը վշտացնում էին Կատարինէին. նորա կարծիքով ընդհակառակը փոքրիկ գառնուկը միւս երկու մեծերից աւելի գեղեցիկ էր, ուստի և նորան միւսներից առաւել շատ էր սիրում: Նա վճռեց որքան կարելի է լաւ խնամք տանել փոքրիկ գառնուկին և Նղնիկ (բիշէտտ) անուանեց նորան, որովհետեւ մաքի էր: Եւ այնպէս հոգս էր տանում Նղնիկի վերայ, որ միքանի անգամ քիչ մնաց նորան սպանի:

Նա անդադար փաղաքշում էր իւր

սիրելուն, ձեռքերի վերայ էր ման ածում և քնեցնում իւր ծնկների վերայ:

Փոքրիկ շնիկները և կատուները սիրում են, որ միշտ իւրեանց հետ խաղան և թող են տալէ: Ընթաց փայփայելու, բայց գառնուկներն ընդհակառակն, եթէ լաւ կերակրում ես, աւելի սիրում են, որ իւրեանց հանգիստ թողնեն, որպէս զի երբ կամենան քնեն և մանզան ու պառկեն որտեղ ցանկանան:

Նղիսաբէթն ասում էր իւր աղջկան, որ Նղնիկի մեծանալուն արգելք է լինում անդադար իւր ձեռքերի վերայ կրելով նորան. բայց Կատարինէն ուզում էր, որ Նղնիկն ոչ թէ չմեծանայ, այլ դեռ ևս աւելի փոքրանայ, որ ինքը կարողանայ նորան իւր գրպանում պահել: Նա մեծ ոչխարներին մարգագետին էր տանում երկու ժամ առաւօտեան և երեք ժամ ճաշից յետոյ: Երկու հաստ գառներն անտրտունջ համբերում էին իւրեանց մօր

բացակայութեանը. կարծես նոքա հասկանում էին, որ իւրեանց մայրերը գնացել են դաշտ կաթ բերելու. իսկ Նղնիկը կամ քիչ համբերութիւն ունէր և կամ աւելի քան էր լինում քան միւսներն, ուստի և երբ մայրը վերադառնում էր այնպէս սրտաճմլիկ ձայնով մայրում էր, որ բարեսիրտ Կատարինէն քիչ էր մնում լաց լինի: Կատարինէին արգելուած էր փոքրիկ դառներին մարգագետին տանելու, որովհետև նոքա դեռ ևս շատ փոքր էին և դաշտի խոտը նոցա համար դեռ շատ թարմ էր. բայց նա Նղնիկի համար այնքան խնդրեց, որ մայրն ստիպուած ասաց նորան.

— «Ար՛ս ինչպէս կամենում ես, եթէ նա սատակի մի մեծ կորուստ չի լինիլ մեզ համար և ես ուրախ կը լինիմ ազատուելու նորանից, որովհետև դու այդ գառնուկի համար խելքդ թուցրել ես և միշտ միայն նորա վերայ ես մտածում:

Գու ոչխարները շատ վաղ ես վերադարձնում և շատ ուշ տանում միայն նորա համար, որ Նղնիկին իւր մօրից չբաժանես: Նորան էլ քեզ հետ տար և խնամիր ինչպէս ցանկանում ես:»

Կատարինէն Նղնիկին իւր հետ դաշտը տարաւ և շարունակ նորան իւր գոգնոցի մէջ էր պահում ցրտից պաշտպանելով: Այսպէս երկու օր լաւ անցաւ, միայն երրորդ օրը նա կենդանուն ծառայելուց ձանձրացաւ և սկսաւ մարգերում անջուան պէս վազվրգել: Սորանով թէև Նղնիկի վիճակը չվատացաւ, բայց չլաւացաւ էլ:

Մի անգամ Կատարինէն թփերի տակ թռչունների բուն որոնելով, գտաւ մի բնի մէջ երեք փոքրիկ տորգիկներ, արդէն սև փետուրներով ծածկուած: Նոքա աղջրկանից չվախեցան և երբ նա ցոյց տուաւ նոցա իւր մատի ծայրը, ձայնը նոցա մօր ձայնին նմանեցնելով, փոքրիկ թռչունները

բացին իւրեանց դեղին բերաններն և ցոյց տուին վարդազոյն կոկորդները: Կատարինէն ուրախութիւնից չգիտէր ինչ անէր: Տուն վերադառնալիս նա ճանապարհին շարունակ խօսում էր նոցա հետ և համբուրում. միայն միւս օրը նկատեց, որ տորդիկների պատճառով մոռացել է իւր ոչխարներին և նոցա գժբազդուութիւն է պատահել. Եղնիկը փարախում չէր երևում: Կատարինէն նորան մոռացել էր դաշտում. Եղնիկը գիշերը անց էր կացրել դաշտում բաց երկնքի տակ և երևի նորան գայլը կերել էր: Կատարինէն դառնապէս լալիս էր և անիծում տորդիկներին, որ պատճառ եղան իւր խստասրբտութեան և անուշազրուութեան: Եղնիկի սէրը դարձեալ արծարծուեցաւ և նա վազեց մարգագետին իմանալու, թէ ինչ էր եղել իւր գառնուկը:



Բ.

Մարտ ամիսն էր, արեգակը դեռ չէր ծագել և մարգագետնում եղած ճահճի վերայ կանգնած էր սպիտակ, թանձր մառախուղ:

Կատարինէն գառնուկին ամէն ծակ ու ծուկերում, փոսերում և բոլոր ցանկապատերի մօտ փնտռելուց յետոյ, մօտեցաւ ճահճին, յուսալով թէ Եղնիկը խրուած կը լինի ճահճի տիղմերի մէջ: Նա երբէք այդպէս վաղ չէր եղած այդ տեղերում, ուստի երբ ճահճին մօտեցաւ, ակամայ կանգ առաւ. — նորան ապշեցուց մի անսովոր երևոյթ. — մառախուղն, որ սփռոցի նման ամբողջ գիշերը ջրի երեսին տարածուած էր, հէնց արեգական առաջին ճառագայթների երևալուն պէս երկու մասը բաժանուեցաւ, և նոցանից կազմուեցան փոքրիկ, փոքրիկ,

բոլորակ ամպիկներ, որոնք աշխատում էին վերև բարձրանալ:

Մի քանիսը այդ ամպիկներից նոճիներուն հանդիպելով արգելուեցան և անշարժ մնացին: Միւսները առաւօտեան զեփիւռից վանուելով և տատանուելով, թափվում էին աւազի վերայ և կարծես խոնաւ բոյսերի վերայ ընկնելով դողգողում էին ցրտից: Մի վայրկեան նոքա Կատարինէի աչքին ոչխարի հօտ երևեցան, բայց նա հօտ չէր փնտռում, այլ իւր Եղնիկին, իսկ Եղնիկն այնտեղ չէր: Կատարինէն գլուխը ծնկների վերայ դրած և երեսը զոգնոցով ծածկած լաց էր լինում, ինչպէս սովորաբար անում են աղջիկներն, երբ նոքա շատ վշտացած են լինում:

Բարեբաղդաբար երեխաներն երկար լաց լինել չեն կարող: Նա վերկացաւ տեսաւ, որ բոլոր սպիտակ ամպիկները ծառերից վերև են բարձրացել և դէպի եր-

կինք են թռչում զեղեցիկ վարդագոյն զնդակների նման, որոնց արեգակը ձգում և տանում էր իւր մօտ, կարծես իւր ճառագայթներով տաքացնել կամենալով նոցա:

Կատարինէն երկար ժամանակ նայում էր, թէ ինչպէս նոքա միմեանցից հեռանում և անյայտանում էին. երբ աչքերը ցած ձգեց իւրեանից բաւական հեռու, տփի մօտ, տեսաւ Եղնիկին անշարժ քնածի կամ մեռածի նման: Կատարինէն մօտ վազեց, անկարելի համարելով նորա մահը. որովհետև երեխաները չեն սիրում առաջուց մտածել այն բաների վերայ, որոնք կարող են իւրեանց մեծ վիշտ պատճառել. նա վեր առաւ Եղնիկը, փաթաթեց զոգնոցի մէջ և շտապեց դէպի տուն: Վազելիս զարմանում էր զոգնոցի թեթևութեան վերայ, որն այնքան թեթև էր, որ կարծես նորա մէջ բան չկար:

— Ի՜նչպէս խեղճ Եղնիկը չարջարուել

Երկիւղն ու հետաքրքրութիւնը պաշարեցին նորան: Շտապով վազեց փարախի կտուրը, որ մինչև գետին էր իջնում և ամբողջապէս ծածկուած էր մամուլով, շատ ծաղիկներով ու հասկերով, որոնց սերմերը քամին էր այնտեղ բերել: Կտուրն անկողնի նման փափուկ էր, որովհետև ծածկուած էր արեգակից չորացած հին յարգով: Շատ անգամ ամառը Կատարինէն այնտեղ մոռանում էր ոչխարներին դաշտը տանելու ժամանակն և քնում էր մի քանի ժամ ևս գիշերուան փոխանակ, որ միշտ նորան շատ կարճ էր թուում:

Նա կտուրի բոլորովին գաղաթը բարձրացաւ և մեծ զգուշութեամբ բացեց իւր գոգնոցը: Սրգօք ինչ կարող էր լինել այդ գոգնոցում:

Գ.

Կատարինէի գոգնոցը բամբակի կապտագոյն կտաւից էր: Նդիսաբէթն այդ գոգնոցը իւր հին շորերիցն էր շինել, ուստի և շատ մաշուած և վատ էր երեւում: Բայց եթէ այդ ըսպէին հազարներ առաջարկէին գոգնոցի փոխանակ, Կատարինէն չէր համաձայնիլ տալու, այնքան հետաքրքրուած էր տեսնելու թէ ինչ կար նորա մէջ: Աերջապէս բաց արաւ գոգնոցը և . . . նորա մէջ սչինչ չկար: Նա մի քանի անգամ ցնցեց գոգնոցը, բայց ոչինչ չընկաւ: Միայն նորա շուրջը թեթև սպիտակ մուխ բարձրացաւ, և մէկ ընդունւած նորա գլխի վերայ կազմուեցաւ մի փոքրիկ գնդաձև ամպիկ: Սկզբում ամպիկը ձիւնի նման սպիտակ էր, յետոյ ոսկեգոյն դարձաւ, և որքան բարձրանում այնքան սպիտակ - վարդագոյն էր դառնում,

վերջապէս երբ նա բարձրացաւ ընկու-
զենիների և թանթրուենիների գագաթը,
որ փարախի շուրջը բուսնում էին փայ-
լելով արեգակի ճառագայթներից, նա
ստացաւ մի ամենագեղեցիկ վարդի գոյն:
Կատարինէն շատ չգարմացաւ, որ նա
բարձրացաւ և իւր հետ տարաւ ամպը,
այլ մտածում էր նորա գեղեցկութեան
վերայ և ցաւում որ այնպէս շուտով
թռաւ:

«Ո՛հ դու անշնորհք,» աղաղակեց
նորա հետևից մի աղջիկ, «այսպէս ես ինձ
վարձատրում որ քեզ թողի երկինք գնա-
լու:»

Եւ հազիւ թէ այս խօսքերը արտա-
սանեց, մի մեղմ շատ մեղմ ու հանդարտ
ձայն լսուեցաւ ամպից, որ երգում էր,
բայց ինչ էր երգում — անիմանալի էր:



Կատարինէն ոչ մի խօսք չհասկացաւ:
Նա շարունակում էր նայել ամպին, որ
բարձրանալով մեծանում և քանի գնում
այնքան բարականում էր, որ վերջապէս
բազմաթիւ վարդագոյն ամպիկների բա-
ժանուեցաւ:

— Ա՛յ, ա՛յ, լիմար ամպիկ, աղաղակեց
Կատարինէն, դու մօտենում ես արեգա-
կին, որպէս զի նա հալէ քեզ, ինչպէս
մի փոքր առաջ հալեց մշուշը մարգա-
ղետնում: Աւելի լաւ չէր լինիլ, որ դու
պառկէիր իմ գոգնոցում, ես կը պաշտ-
պանէի քեզ և այդ ամենեւին դժուար չէր
ինձ համար: Իսկ եթէ դու չէիր ցանկա-
նում պառկել իմ կուրծքիս վերայ, քեզ
հով տեղ կը տանէի, — մեր այգին, խնձո-
րենու տակ, կամ առուակի մօտ, ուր լուս-

նում են սպիտակեղէնները, որովհետեւ դու սիրում ես քնել ջրի մօտ: Ես կարող էի քեզ պահպանել: Իսկ այժմ ահա դու թուար և հողմը քեզ մանր կտորների բաժանեց, իսկ արեգակը կը հալէ իւր ճառագայթներով. . .

Այսպէս խօսում էր Կատարինէն ամպի հետ, ահանջ դնելով, թէ նա չի պատասխանիլ արգեօք իւրեան: Եւ նորից նա լըսեց երգը, բայց այժմ արգէն մի ձայն չէր երգողն, այլ շատ, նոքա դայլայլում էին թուխատարների պէս, բայց նոցա երգից ոչինչ կարելի չէր հասկանալ: Ձայները քանի գնում մեղմանում էին. վերջապէս Կատարինէին անխելի դառան, և որքան նայում էր, բացի կապոյտ և պայծառ երկնքից, ոչ մի ամպի հետք չէր նշմարում:

— Սայրիկ, ասաց նա Նղիսաբէթին, որ նորան նախաճաշելու էր կանչում, ես ցանկանում եմ մի բան գիտենալ: — Ի՞նչ

են կամենում ասել ամպերը, երբ երգում են:

— Ամպերը չեն երգում, լիմար, նոքա գողգողում և որոտում են երբ կայծակ է խփում:

— Իսկ ես մտքովս անգամ չէի անցկացնում այդ: Ո՛հ երանի թէ իմ Վարդափայլ Ամպին կայծակը չխփէր. . .

— Ի՞նչ վարդափայլ ամպ, ասաց Նղիսաբէթը զարմացած:

— Այն ահա, որ ես այսօր բերի գողնոցիս մէջ փաթաթած:

— Հերիք է, ասաց մայրը, լիմար և անտեղի խօսքեր ես չեմ սիրում: Այդպիսի բաներ երկու տարեկան երեխաները միայն կարող են ասել, իսկ դու արգէն բաւական մեծ ես:

Կատարինէն չհամարձակեցաւ շարունակելու, այլ նախաճաշից լետոյ գնաց դաշտ: Նա միայն մի թռչնիկ ունէր այժմ, որին առաւ իւր հետ և խաղաց նորանով

մի քանի ժամ, և որովհետև այդ օրը վաղ էր վերկացել, ուստի քնեց մարգագետնի վերայ: Որովհետև Նդնիկին թողել էր փարախում, ուստի չէր վախենում նորան կորցնելուց: Արթնանալով մէջքի վերայ պառկեց և նայում էր երկնքին, ուր հէնց ուղիղ իւր գլխի վերևը տեսաւ մի փոքրիկ ամպ, որ բոլորովին միայնակ էր կապտագոյն երկնքի երեսին և փալլում էր ոսկու նման:

— Ա՛խ, նա էլի նոյնպէս գեղեցիկ է. մտածեց Կատարինէն դեռ քնատ: Բայց ի՞նչպէս հեռու է. եթէ երգէ ես չեմ կարող լսել: Նս կը ցանկայի այնտեղ լինիլ, որտեղ նա է, որովհետև կը տեսնէի բոլոր երկիրը, և առանց յոգնելու կը շրջէի երկնքում: Եթէ նա ապերախտ չլինէր ինձ կը տանէր այնտեղ բարձր, և ես կը պառկէի նորա վերայ, ինչպէս փափուկ փետուրների վերայ, բոլորովին մօտից կը դիտէի արեգակն և կ'իմանայի թէ ինչից է նա շինած:

Մինչ Կատարինէն այսպէս լուռ ցնորում էր, թփերի մէջ ճնճողակները ճրուռողում էին: Կատարինէն կարծեց, թէ նոքա իւր վերայ ծիծաղում են և ծըլվըլում. «Ա՛խ, ի՞նչ հետաքրքիրն էս, ի՞նչ հետաքրքիրն էս»:

Բայց լանկարծ ճնճողակները լուեցին և երկիւղից պահուեցան թփերի տակ: Մի մեծ ցին այդ միջոցին թռչում էր երկնքի երեսով հէնց ուղիղ վարդաղոյն ամպի տակով:

— Ե՛հ, մտածեց Կատարինէն, նոքա ինչքան կ'ուզեն թող ծիծաղին և ինձ հետաքրքիր անուանեն, բայց այնուամենայնիւ կը ցանկայի նստել այդ թռչնի մէջքի վերայ: Նս կը տեսնէի իմ վարդագոյն ամպս և թերևս կը հասնէի նորան . . .

Այդ ժամանակ սթափուելով մտաբերեց, որ հարկաւոր չէ մտածել և խօսել

դատարկ ու չիմար բաների վերայ: Ուստի վեր առաւ իւր իլիկին աշխատելով, որքան կարելի է լաւ մանել ու ոչ մի բանի վերայ չմտածել, բայց երբեմն կկամայ գլուխը վերև էր բարձրացնում և երկնքին նայում:

Յինը այլևս երկնքում չէր երևում, իսկ վարդագոյն ամպն առաջուան պէս լողում էր բարձրումը:

— «Ա՛յ, ա՛յ, փոքրիկ Կատարինէ», յանկարծ աղջկայ յետևից մի ձայն լսուեցաւ, «ինչո՞ւ ես դու երբեմն երբեմն երկնքին նայում:»

Կատարինէն յետ նայեցաւ և տեսաւ իւր մօտ ծերունի Պօղոսին: Նա մերձակայ մացառից ցախ էր կտրատել և շալակած տանում էր տուն: Ծերունին յոգնելով բեռի ծանրութիւնից նստաւ նոճիի տակ Հանգստանալու:

— Ես նայում եմ բարձրում լողացող ամպին, պատասխանեց Կատարինէն: Ես ուզում եմ իմանալ ձեզանից, — դուք շատ

ճանապարհորդել էք և զիտնական մարդ էք, — ինչո՞ւ նա միևնոյն տեղը մնացել է կանգնած:

— Հը՛մ . . . պատասխանեց ծերունին, երբ մենք նաևով ճանապարհորդում էինք ծովի վերայ, այդ ամպին փոթորկաբեր էինք անուանում և նորա երևալը վատ նշան էր:

— Ինչի՛ նշան էր նա:

— Մեծ փոթորկի, որդեակ: Երբ նաւաստիները այդպիսի ամպեր են տեսնում ծովում, ասում են. «Ի՛հ, այս օր մենք շատ աշխատանք պիտի ունենանք, շատ ծանր աշխատանք»: Սկզբում այս ամպը լինում է սպիտակ և մի գառի մեծութեամբ: Այնպէս որ կարծես նորան կարելի է ձեռքով տանել, յետոյ մեծանում, սևանում տարածվում է ամբողջ երկնքի վերայ, այդ ժամանակ զգուշացիր: Կ'սկսի այնպիսի կայծակ, որոտումն, թնդիւն ու քամի, որ կարծես թէ դժոխքն է բա-

ցուել: Այն ժամանակ նայիր թէ ինչպէս
նա խորտակում է նաւի կայմը և ով կա-
րող է թող ազատուի:

— Ա՛խ, Աստուած իմ, գոչեց Կատա-
րինէն վախեցած, միթէ իմ վարդագոյն
ամպն այդպէս բարկացալտ է դառնում:

— Մեր երկիրներում, և այն էլ տա-
րուայ այս եղանակին, այդպիսի փոթոր-
կալից ամպեր շատ հազիւ են պատահում
և իմ կարծիքով ցամաքի վերայ երբէք
չէ կարող մի այդպիսի վտանգ տեղի ու-
նենալ: Սակայն քո վարդագոյն ամպը
շատ տարօրինակ է:

— Ինչո՞ւ է տարօրինակ:

— Ինչո՞ւ է տարօրինակ, կրկնեց Հի-
նաուուրց նաւազնացը, նորա համար է
տարօրինակ, որ տարօրինակ ձև ունի:
Ե՛հ, պէտք է շտապել և գործը վերջացնել
դեռ մութը չկոխած: Ես դեռ երեք
խուրձ ցախ ևս պէտք է տուն տա-
նեմ:

Նա գնաց, իսկ Կատարինէն սկսաւ
կրկին մանել. բայց շարունակ երկնքին էր
նայում, որ շատ դանդաղացնում էր նորա
գործը: Նորան թուում էր, թէ ամպը մեծա-
նում էր և գոյնը փոխում: Նև չէր սխալ-
վում, ամպը նախ կապտեցաւ, յետոյ քարե-
տախտակի գոյն ստացաւ և վերջապէս սևա-
ցաւ ու այնպէս մեծացաւ, որ երկնքի մի
կողմն անբողջապէս ծածկեց: Բոլոր շրջա-
կայքը սկսաւ մթնել ու խաւարել և յան-
կարծ թնդաց որոտումը: Կատարինէն ա-
ռաջ ուրախանում էր իւր ամպը մեծ և
ուժեղ տեսնելով:

— Վերջապէս, մտածեց նա, ես տես-
նում եմ, որ իմ ամպը միւսների նման
չէ: Արեգակը չկարողացաւ նորան հալել
և դեռ գուցէ նա առաւել շուտով ծածկէ
արեգակի երեսը քան արևը նորան հա-
լէ: — Զարմանքն ինչ է, ես այս առաւօտ
այդ ամպը պահել էի իմ գոգնոցումս:

Կատարինէն դորանով շատ հպար-

տանում էր: Այն ինչ այդ ժամանակ կայ-
ծակները յաճախ այն գարհուրելի ամպի
խիստ մթուժեան մէջ փայլատակում էին:

Աղջիկը վախեցաւ և շտապեց դէպի
տուն քշելու իւր ոչխարները:

— Ես շատ անհանգիստ էի քո մա-
սին, Կատարինէ, ասաց Եղիսաբէթը իւր
աղջկան պատահելիս: Ի՞նչ գարհուրելի
եղանակ է: Ես երբէք չէի տեսել, որ տա-
րուայ այս եղանակին փոթորիկն այսպէս
շուտ հաւաքուէր, և այսպիսի ուժով
թափուէր:

Եւ իրաւ, փոթորիկը գարհուրելի էր.
կարկուտը փշրում էր պատուհանների
ապակիները, հողմը կտուրների վերայից
կղմինդները պոկում տանում էր: Կայ-
ծակը խփեց այգու ամենամեծ խնձորե-
նուն: Կատարինէն վախեցաւ և կամենում
էր մահճակալի տակ թաղչիլ:

— Չարասիրտ վարդազոյն ամպ, ինքն
իրան բռնել չկարողանալով արտասանեց

նա այս խօսքերը իւր մօր մօտ, եթէ ես
գիտենայի, թէ դու այդպէս խաբեբայ ես,
այն ժամանակ քեզ երբէք զոգնոցիս մէջ
չէի դնիլ:

Եղիսաբէթը սկսաւ յանդիմանել իւր
աղջկան, որ դարձեալ սկսում էր յիմար
լիմար դուրս տալ, բայց Կատարինէն չէր
կարողանում լռել և շարունակում էր իւր
տարօրինակ խօսքերը:

— Ա՛խ, Աստուած իմ, ասում էր
Եղիսաբէթն իւր հարեաններին, իմ աղ-
ջիկս բոլորովին խելագարուել է:

— Է՛հ ոչինչ, ասում էին հարեան-
ները, այդ երկիւղիցն է, վաղը Աստուծով
այդ կ'անցնի:

Ուղիղ որ միւս օրն ամէն բան ան-
ցաւ: Արեգակը իւր բոլոր շքեղութեամբ
սկսաւ փայլել: Կատարինէն էլ արեգակի
նման գուարթ էր, նա բարձրացաւ փա-
րախի կտուրը: Տունը փոթորիկից քայ-
քայուել էր. բայց որովհետեւ փարախը

ցած էր և քամուց պաշտպանուած, այդ պատճառով, անվնաս էր մնացել:

Անձրևի պառկեցրած փոքրիկ ծաղիկները, գեղեցիկ դեղնաստունկերն և կաթնբեկներն սկսեցին իւրեանց գլուխները դէպի արեգակը բարձրացնել և կարծես ասում էին նորան. «Վերջապէս դու վերագարձար, ողջոյն քեզ, մեր բարի հայր, մի հեռանար մեզանից, երբ դու թագընվում ես, երկիւղից մենք չգիտենք ինչ անենք»: Կատարինէն նոյնպէս ցանկանում էր ասել արևին. «Բարև», բայց վախենում էր, թէ արեգակը բարկանայ իւր վերայ այն պատճառաւ, որ նա բաց էր թողել ամպիկն, որի հետ նախընթաց օրն այնպէս կուռել էր: Նա չէր համարձակվում մօրից հարցնելու, (որ այդ միջոցին այդով անցնում էր) թէ կարելի արդեօք բարկացնել և դարձեալ հաշտուիլ արեգական հետ:

Նդիսաբէթն անմիտ խօսքեր և ցը-

նորքներ չէր սիրում: Կատարինէն էլ նորան լսելով վճռեց այլ ևս այդ ցնորքներին անձնատուր չլինել: Նւ այդ նորան յաջողուեցաւ:

Հետեւեալ երեք օրը տորգիկը շատ էր զբաղեցնում նորան, մինչև որ պանրից շինած լոռ շատ ուտելուց մեռաւ: Կատարինէն շատ տխրեց և սկսաւ ճնճողուկ պահել, բայց նորան էլ կատուն կերաւ: Նոր վիշտ: Նա կենդանիներին թողեց և ցանկանում էր ուսումնարան գնալ: Յետոյ իւր սէրը իլիկի վերայ ձգեց և հետզհետէ զարգանալով դարձաւ մի շատ սիրունիկ աղջիկ և երևելի մանող:



Ե.

Երբ Կատարինէի տասնևերկու տարին լրացաւ, մայրն ասաց. «Չես կամենում

արդեօք մի փոքր ճանապարհորդել, աղ-
ջիկս, և նոր երկիրներ տեսնել:

— Ի հարկէ, պատասխանեց Կատա-
րինէն, ես միշտ ցանկանում էի կապտա-
գոյն երկիրները տեսնել:

— Ինչեր ես դուրս տալիս, չիմար,
աշխարհումս կապտագոյն երկիրներ չկան:

— Ոչ, կան, — ես ամենայն օր մեր
փարախի կտուրից տեսնում եմ այդ երկըր-
ները. մեր կանաչ երկրի շուրջը էլի մի
մեծ կապտագոյն երկիր կա:

— Հա, հասկանում եմ ինչ ես կա-
մենում ասել. քեզ հեռուից այդպէս է
երևում, ուրեմն դու կարող ես քո ցան-
կացածին հասնել: Քո մօրաքոյր Մարիամը
մեզանից հեռու սարերի վերայ է բնակ-
վում. դու նորան չես ճանաչում, որով-
հետև արդէն երեսուն տարի է, որ մեզ
մօտ չէ եկել: Սակայն ինքը ցանկանում
է մեզ տեսնել: Նա շատ պառու է և չէ
ամուսնացած, այժմ ապրում է բոլորսփին

միայնակ: Նա շատ հարուստ չէ, և դու
չլինի թէ նորանից մի բան խնդրես, ընդ-
հակառակը նորան պէտք է տալ, ինչ որ
միայն ուզէ մեզանից: Ըս վախենում եմ,
որ մի գուցէ նա ձանձրութիւնից և ան-
տէրութիւնից մեռնի: Մենք կը զնանք
նորա մօտ և եթէ ինքը ցանկանայ մեզ
հետ ապրել, ես շատ ուրախ կը լինիմ:
Պառաւիճն ապաստանարան տալն և խնա-
մելը մեր պարտականութիւնն է, Կա-
տարինէ:

Կատարինէն մութ կերպով չիշում էր
իւր ծնողաց խօսածը մօրաքոյր Մարիամի
մասին: Նա երբէք լաւ չէր հասկանում
թէ ինչ էին խօսում նորա մասին և ոչինչ
էլ չէր ցանկանում իմանալու: Բայց այժմ
նոր տեղեր տեսնելու յուսով Կատարինէի
սիրտը սկսաւ թռթռալ: Թէպէտ նա շատ
խոհեմ աղջիկ էր դառել, բայց ճնճղուկ-
ները կատարեալ իրաւունք ունէին նորան
հետաքրքիր համարելու: Եւ չիրաւի այդ-

պիսին էլ էր, բայց դա ամենևին պահասութիւն չէ, որովհետեւ նա ուզում էր բան սովորել:

Ահաւասիկ նոքա պատրաստուեցան և կառքով մօր հետ ճանապարհ ընկան: Ամբողջ մի օր ու գիշեր գնացին և հասան լեռներին: Եղիսաբէթն այդ կողմերը տգեղ էր համարում. ուստի Կատարինէն էլ չէր համարձակվում ասելու, որ այդ բոլորը հրաշալի էր երևում իւրեան: Երբ նոքա կառքից իջան և հարցրին այն գիւղն ուր ապրում էր Մարիամը, նոցա ցոյց տուին մի ճանապարհ, որ փարախի կտուրի նման գառ ի վայր էր և աւելացրին, թէ բացի այդ ճանապարհից ուրիշը չկայ:

— Ահա տարօրինակ ճանապարհ, ասաց Եղիսաբէթը, այժի ոտքեր պէտք է ունենալ այդ քարափներից անցնելու համար: Ահաւասիկ քո կապտագոյն երկիրդ, Կատարինէ, հաւանում ես:

— Հաւատացէք, որ կապտագոյն է, պատասխանեց Կատարինէն: Մայրիկ, նայիր լերան զաղաթին, տեսնում ես ինչպէս կապտագոյն է:

— Այն ձիւն է, որդեակ: Մօտիկից նա բոլորովին սպիտակ է:

— Ամառը ձիւն:

— Այո՛, որովհետեւ բարձրում այնպէս ցուրտ է, որ ձիւնը չի կարող հալչիլ:

Կատարինէի կարծիքով մայրը սխալվում էր, բայց հակաճառել չէր համարձակվում: Նա սաստիկ ցանկանում էր ճշմարտութիւնը իմանալու և այժեամնի նման մագլցում էր, թէպէտ և չորս ոտն չունէր: Կագրած և ուժաթափ նոքա գիւղը հասան, ուր և տեղեկացան, որ մօրաքոյրն ամառը այնտեղ չէր բնակուում: Սակայն նորա տունը դարձեալ միևնույն ծուխումն էր. Եղիսաբէթին ցոյց տուին մի տախտակի և մեծ մեծ քարերով ծածկուած կտուրով տուն, որ գտանվում էր հեռու կա-

նաչ եղևնիների մէջ, և ասացին թէ ընդամէնը մի ժամուայ ճանապարհ է մինչև այնտեղ: Կղիսաբէթի համբերութիւնը հատաւ. որչափ եկել էին, դեռ մի այնչափ էլ կտր գնալու, ճանապարհն ևս աւելի գառ ՚ի վայր էր և դժուարեւանելի: Կղիսաբէթը վախենում էր, որ Կատարինէն չի կարողանալ մինչև մօրաքրոջ տունը հասնել: Տեղն այնպէս անապատ ու անճոռնի էր երևում, որ մայրը կամենում էր տուն վերադառնալ, մինչև անգամ առանց իմացնելու պառաւ մօրաքրոջը, թէ ինքը գրեթէ եկել էր նորա տունը: Իսկ Կատարինէն, որ ոչ երկիւղ և ոչ խօնջութիւն էր գգում, իւր մօրը հանդարտեցրեց: Մի փոքր նախաճաշիկ արին և սկսան դարձեալ մագլցելով ճանապարհը շարունակել: Անհնար էր ճանապարհը նորել, վասն զի հէնց միայն մի նեղ շաւիղ կար. մինչև անգամ առաջնորդ էլ հարկաւոր չէր: Եւ եթէ լինէր էլ, չէին

կարող խօսել նորա հետ, որովհետև այս կողմի մարդիկը Կատարինէի խօսած լեզուից միայն մի քանի խօսք հագիւ գիտէին, իսկ իւրեանք մի այլ բարբառով էին խօսում, որ ոչ Կատարինէն և ոչ էլ իւր մայրը չէին հասկանում:

Թէպէտ և ճանապարհը վտանգաւոր էր, սակայն նոքա առանց որևէ արկածի հասան խրճթին:

Տունը ծածկուած էր տախտակներով և շրջապատուած փառահէղ եղևնիներով, որոնք ծածկում էին հարթ և թէք հովիտն, որ շրջապատուած էր ոչ թէ խրամներով և պարիսպներով, այլ բարձր ժայռերով: Ժայռի վերայ ձիւն կար, որը կարծես մինչև երկինք էր հասնում. նախ՝ աստիճանաբար ծածկելով սև ժայռերն, ապա սառուցի գեղեցիկ կանաչ — կապտագոյն բիւրեղներով անյայտանում էր ամպերի մէջ:

Այժմ մենք արդէն կապուտ երկրում

ենք գտանվում, մտածում էր Կատարինէն
և եթէ մի փոքր էլ բարձրանանք, մենք
այնտեղ կը լինինք:

Այն րոպէին նորա միտքն ընկաւ մի
վաղուց մոռացած բան. մտածելով թէ
կարելի է երկինք բարձրանալ, նա յի-
շեց իւր վարդազոյն ամպն, որը կար-
ծես մի հին երազի մէջ էր տեսել: Փոքրիկ
Կատարինէն սառուցի փայլից այնպէս
յափշտակուած էր, որ ուշադրութիւն
չդարձրեց մօրաքոյր Մարիամի վրայ, թէ
և շատ ցանկանում էր նորան տեսնել,
և ճանապարհորդութեան ժամանակ շատ
անգամ ինքն իւրեան հարցնում էր. «Ար-
դեօք ինչպիսի կին է մօրաքոյր Մարիամը»:



2.

Մօրաքոյր Մարիամը բարձրահասակ
ու զփզոյն երեսով և արծաթափայլ մա-

ղերով մի կին էր, բայց դեռ ևս բաւա-
կան զեղեցիկ:

Նշխարէթին տեսնելով նա չզարմա-
ցաւ . . .

— Ես սպասում էի, ասաց նա Համ-
բուրելով նորան, քեզ և քո դստերդ
տեսայ երազումս. տեսնենք նման է նա
երազումս տեսածին:

Կատարինէն մօտեցաւ և մօրաքոյր
Մարիամը նայեց նորան իւր մոխրագոյն
թափանցիկ աչքերով, որոնք կարծես մինչև
հոգու խորքը թափանցեցին և ասաց.
«Շատ լաւ, շատ լաւ, ես ուրախ եմ, որ
այս երեխան ծնուել է և ապրում է աշ-
խարհիս երեսին»:

Երբ նշխարէթն և Կատարինէն հան-
գրստացան, մօրաքոյր Մարիամը ցոյց տուաւ
նոցա իւր բնակարանը:

Տունը հեռուից փոքր էր երևում,
բայց մեծ էր և շինուած ամուր փայտից:
Կտուրի վերայ դրուած մեծամեծ քարերը

արգելում էին քամուն շարժելու և պոկելու տախտակները: Ճան ներսը չափազանց մաքուր էր, մարդ հիանում էր նայելով նորացրած և փայլուն կահկարասիներին: Թէ սեղանատան և թէ խոհանոցի պղնձի ամանների ամէն տեսակն էլ բազմաթիւ էին. անկողինների փոխանակ բրդով և մազով լցրած արկղներ կային, գեղեցիկ սպիտակ սաւաններով և տաք վերմակներով, որովհետև այդ կողմերում երբէք շոգ չէր լինում: Ամբողջ ամառը վառում էին վառարանները և փայտի էլ պակասութիւն չկար: Մարգագետինը շրջապատող ծառերի մեծ մասը Մարիամ մօրաքրոջն էին պատկանում և այս բաւական ընդարձակ մարգագետնի վերայ արածում էին գեղեցիկ կովեր, միքանի այծեր և մի էջ, որ ծառայում էր ճանապարհորդութեան համար:

Նորա մօտ կար նաև մի տղայ, որ կենդանիներին հոգս էր տանում, և մի

մատաղ աղջիկ տնտեսութեան և այս ու այն կողմն ուղարկելու համար:

Մարիամ մօրաքոյրը լաւ ապրելը սիրում էր և շաբաթը երկու անգամ գիւղից միս և հաց էր բերել տալիս:

Մի խօսքով, նա շատ հարուստ էր, այնքան հարուստ, որքան կարող էր լինիլ մի գեղջկուհի:

Նղիսաբէթը բոլորովին այդպէս չէր կարծում և այն մտքով էր եկել, որ նորան օգնէ, եթէ պէտք է, նա զարմացած նայում էր այս բոլորի վերայ և մօրաքրոջ առաջև այնպէս քաշվում էր, որպէս իւրեանից մի շատ բարձր կնոջ առաջև: Կատարինէն նոյնպէս մի առանձին շփոթութիւն էր զգում, ոչ թէ նորա համար, որ ինքն աւելի աղքատ էր, այլ որ տեսնում էր, թէ մօրաքոյրն աւելի լուսաւորուած էր իւրեանից: Սակայն նորա բարեսրտութիւնը ու իւրեան ցոյց տուած սէրը տեսնելով, հանդարտեցաւ

Լ սկսաւ նորան սիրել այնպէս, իբրև թէ վաղուց ճանաչում էր:

Մօրաքրոջ հետ ծանօթանալու հէնց առաջին օրից, Կատարինէն հարց ու փորձ արաւ և իմացաւ, որ մօրաքոյրը մի կնոջ տան կառավարչուհին է եղել, որ իւր մահից յետոյ նորան մի բան է կտակել:

— Սակայն չկարծես թէ իմ պառաւ տիկինս հարուստ էր, աւելացրեց մօրաքոյր Մարիամը, ես նորա փողերով չէ որ այսպէս հանգիստ ապրում եմ և կեանքի ամէն յարմարութիւններն ունիմ, իմ աշխատանքով ու արհեստովս եմ ձեռք բերել այս բոլորը, ինչ որ տեսնում ես:

— Երևի ձեր գեղեցիկ հօտն, որը դուք լաւ խնամել գիտէք, հալածալծում է ձեզ համար այս բոլորը, ասաց Եղիսաբէթը:

— Իմ հօտս, իրաւ է ինձ ապրուստ է տալիս, պատասխանեց Մարիամը, բայց ինչ փողով գնեցի հող: հօտս կերակրելու

և տեղաւորելու համար: Կարող ես արդեօք գուշակել, փոքրիկ Կատարինէ:

— Ո՛չ, մօրաքոյր, ես չեմ կարող գուշակել:

— Մանել գիտես, աղջիկս:

— Ո՛հ, ի՛նչ ասել կ'ուզէ, մօրաքոյր, եթէ որ ես այս հասակումս չկարողանայի մանել, մի շատ լիմար աղջիկ պիտի լինէի:

— Գիտես դու շատ բարակ մանել:

— Այո՛, շատ բարակ:

— Մեր մէջ սա առաջին մանողն է, ասաց Եղիսաբէթը հպարտութեամբ, և ինչ որ կամիք կարող էք տալ նորան մանելու, նա ամէնն էլ կարող է:

— Բայց կարող է նա սարգի ոստայն մանել, հարցրեց Մարիամը:

Կատարինէն կարծելով, թէ ծիծաղում է իւր վերայ, ուստի ինքն էլ ծիծաղելով պատասխանեց. «Այդ ես չեմ փորձել»:

— Տեսնենք դու ինչպէս կը մանես, շարունակեց մօրաքոյրը, տալով նորան մի

— Ամենևին ոչ, Եղիսաբէթ . . . Միթէ
դուք չէք իմանում, թէ ինչպէս են կո-
չում ինձ այս երկրում:

— Ձգիտեմ, պատասխանեց Եղիսա-
բէթը, մենք չենք հասկանում ձեր խօ-
սածն և դուք կարող էք ծիծաղել մեր
վերայ ինչքան կամիք:

— Ես բոլորովին չեմ ծիծաղում ձեր
վերայ: Կանչեցէք իմ փոքրիկ ծառայ
Բենիամինին, որ պարտիզում սեղան է
պատրաստում: Նա գիտէ ձեր լեզուն,
հարցրէք նորանից, թէ ինձ ինչպէս են
անուանում:

Եղիսաբէթը կանչեց Բենիամինին և
ուղղակի հարցրեց. «Ի՞նչպէս են կո-
չում այս կողմերում իմ մօրաքույր Մա-
րիամին»:

— Ի՞նչպէս են կոչում, պատասխա-
նեց Բենիամինը, նորան կոչում են Էրեւելի
ամպեր Տանուշ:

Նրբ նա աղախնին էլ հարցրեց նոյնը,

վերջինս էլ առանց տատանուելու, միև-
նոյնը պատասխանեց:

— Ա՛խ, ինչ զարմանալի բան, ասաց
Կատարինէն, դուք ամպ էք մանում: Սի-
րելի մօրաքույր, դուք այն բանի վերայ
էք խօսում, որի մասին ես վաղուց մտա-
ծում եմ, միշտ կարծում էի թէ ամպը
կարելի է ձեռքով բռնել: Նրբ ես փոքր
էի, մի անգամ . . . նա կանգ առաւ, տես-
նելով, որ մայրն իւրեան աչքով է անում,
կարծես կամենում էր ասել, թէ մի պատ-
միր քո լիմարութիւնները:

Բայց տիկին Մարիամը կամենում էր
բոլորն իմանալ, իսկ Եղիսաբէթն ասաց
նորան. «Ներեցէք, մօրաքույր, երեխայ
է, դեռ ևս շատ փոքր է: Նա մտքովն
էլ չի անցկացնում ծիծաղել ձեր վերայ,
ինչպէս դուք ծիծաղեցիք նորա վերայ.
դուք իրաւունք ունէիք այդ անելու, բայց
նա լաւ գիտէ, որ այդ իրաւունքն ինքը
չունի»:

— Սակայն, ընդհատեց պատան, այդ ամենեւին ցոյց չէ տալիս, թէ նա ինչ էր կամենում առել:

— Ո՛հ, բարի մօրաքույր, ասաց Կատարինէն արտասուալից աչքերով, ես երբէք աշխարհումս ոչ ոքի վերայ ինձ թոյլ չեմ տալ ծիծաղելու: Ի դուր մայրիկս ինձ ստախօս է անուանում: Հաւատացէք, մի անգամ երբ դեռ փոքր էի, մի փոքր ամպ վեր առի և դրե զոգնոցիս մէջ:

— Է՛հ, ոչինչ, ասաց մօրաքույրն առանց բարկանալու, կամ գարմանալու, ինչ արեը դու նորան, հոգիս, փորձեցիր արդեօք մանելու:

— Ո՛չ, մօրաքույրս, ես այդ ամպը զոգնոցիցս բաց թողի, որ վարդագոյն գառնալով և երգեր երգելով երկինք թռաւ:

— Հասկացօ՞ր դու ինչ որ նա երբ գում էր:

— Եւ ոչ մի բառ, ես այն ժամանակ դեռ շատ փոքր էի:

— Իսկ բարձր թռչելով այդ ամպը մի որոտալից ամպ չգարձաւ արդեօք:

— Միտ, այո, մօրաքույրս, դուք ճշմարիտ էք ասում. նա մեր տան կտուրը պոկեց և մեր ծաղկած մեծ խնձորենին կտորեց:

— Ահա թէ ինչ կը նշանակէ ապերախտներին հաւատալ, ասաց տիկին Մարիամը բոլորովին սառնութեամբ: Հարկաւոր է զգուշանալ այն ամէն բանից, ինչ որ փոփոխական է. իսկ ամպն աշխարհիս երեսին ամենից դիւրափոփոխն է, բայց դուք քաղցած կը լինէք. ճաշը պատրաստ է: Օգնեցէք ինձ սպասն ամէնու, որ նստենք ճաշելու:

Մի շատ համեղ ճաշ կերան, այնպէս որ Կատարինէն ոչ մի կերակրից էլ չհրաժարուեցաւ: Պանիրն և սերը մանաւանդ շատ համեղ էին: Քաղցրաւենիքն էլ պակաս չէին: Մօրաքույր ձեռքով պատրաստած մեղրով խմորեղէնը ամենից աւելի

Համեղն էր: Ոչ Նղիսաբէթն և ոչ էլ նորա աղջկին իւրեանց կեանքում երբէք այսպիսի ճաշ չէին վայելած: Ճաշից յետոյ իրիկնադէմին տիկին Մարիամը լապտերը վառեց և մի փոքրիկ արկղ բերաւ և դրաւ սեղանի վերայ:

— Այստեղ արի, հոգեակս, ասաց նա Կատարինէին, դու պիտի իմանաս, թէ ինչու են ինձ ասէր Տանու կոչում: Մտեցիր Նղիսաբէթ, դու էլ կ'իմանաս թէ ինչպէս եմ ձեռք բերել իմ հարստութիւնը . . .

Արդեօք ինչ կար այդ արկղի մէջ, որի բանալին մօրաքոյր Մարիամը բռնել էր ձեռքին: Կատարինէն չափազանց ցանկանում էր այդ իմանալու:

Այս ժեյմ ճարտիչ միջոցոյց միջկատ
 — ու զո յմաս ի կլի ի յման զձ գուր
 Գձ մրաման միջառա յոճոյ սոճկաթ

Ը

Արկղի մէջ, որի բանալին մօրաքոյր Մարիամի ձեռին էր, մի սպիտակ, փափուկ, թեթև բան կար, որ շատ նման էր ամպի: Կատարինէն զարմանքից աղաղակեց, իսկ Նղիսաբէթը կարծելով թէ մօրաքոյրը կախարդ է կամ մի աստուածուհի, վախից գունաթափուեցաւ: Սակայն այս ամպ չէր, — այս բարակ թելի մի մեծ կծիկ էր, այնպէս բարակ, այնպէս բարակ, որ այդքան բարակ թել ստանալու համար հարկաւոր էր մի մազը տասը մասն անել:

Այս կծիկն այնպէս սպիտակ էր, որ մարդ չէր ուզում նորան դպչել: Այնպէս նուրբ ու բարակ էր, որ մարդ վախենում էր թեթև շունչ անգամ քաշելուց, որ չիների թէ խճճուի:

— Ա՛խ, մօրաքոյր, բացականչեց Կա-

տարինէն բոլորովին հիացած, եթէ այս դուք էք մանել, կարելի է ասել, որ աշխարհիս երեսի առաջին մանողն էք, իսկ մնացածները միայն թոկ ոլորողներ են:

— Այս ես եմ մանել, պատասխանեց մօրաքոյր Մարիամը, և ամենայն տարի նոյնպէս պատրաստում եմ մի քանի այսպիսի արկղիներով մանած: Արդեօք դուք չնկատեցիք ձեր ճանապարհորդութեան ժամանակ, որ մեր կողմերի բոլոր կանայքը ամենանուրբ ասեղնագործներ են բանում, որ շատ արժան է ծախուում: Եւ չեմ կարողանում նոցա բոլորի համար ևս թել պատրաստել: Մեր երկրում լաւ մանող կանայք շատ կան, բայց ոչ ոք ինձ չէ հասնում այդ արուեստի մէջ, ուստի և իմ թելին ուրիշներից տասնամարտիկ աւելի են վճարում, որովհետեւ նորանով այնպիսի հիւսուածներ կարելի է գործել, որպիսիքն իմ մահուանից յետոյ այլ ևս

անկարելի կը լինի գործել: Ահա ես շատ պառաւել եմ և շատ ցաւալի կը լինէր, եթէ իմ գաղտնիքն ինձ հետ գերեզման տանէի. ճշմարիտ չէ Կասարինէ:

— Ախ, սիրելի մօրաքոյր, եթէ դուք այդ ինձ սովորացնէիք, փոզ վաստակելու համար չեմ ասում, այլ այն պատճառով, որ ինձ համար մեծ հպարտութիւն է ձեր արուեստը բանեցնել: Խնդրում եմ, յայտնեցէք ինձ այդ գաղտնիքը:

— Իսկոյն, իսկոյն, ժպտալով ասաց մօրաքոյր Մարիամը: Արդէն ես կէսն ասացի, այն է որ պէտք է ամպ մանել:

Նա ծածկեց արկղը, յետոյ համբուրելով Նդիսաբէթին և Կատարինէին, հեռացաւ իւր սենեակը: Մայրն և աղջիկը պառկեցան քնելու այնտեղ, ուր որ էին. այդ սենեակում պատրաստած էր և մի երրորդ անկողին փոքրիկ աղախին շեղինէի համար:

Որովհետեւ այդ անկողինը Կատարի-

նէի անկողնի մօտ էր, նորա ամբողջ գիշերը ցած ձայնով խօսակցում էին: Յողնած կղիսաբէթը նոցա չէր լսում: Կատարինէն հազարաւոր հարցեր էր առաջարկում իւր հասակակից շեղինէին: Նորա մտքում միայն մի բան էր պտոյտ գալիս, իմանալ թէ ինչպէս մօրաքոյրն ամպ է մանում:

— Բոլոր գաղտնիքը, պատասխանեց շեղինէն, նորա ճարպիկութեան և համբերութեան մէջն է:

— Սակայն, մի ամպ բռնել, նորան այնպէս ըոքի վերայ դնել, որ ձեռքի մէջ չհալուի և թել քաշել...

— Դժուարն այդ չէ, բանն ամպ շինել կարողանալն է:

— Ի՞նչպէս թէ ամպ շինել:

— Այո՛, ամպ շինելն, այսինքն գգելը:

— Ա՛մպ գգել, ինչո՞վ:

— շեղինէն չպատասխանեց — նա քնեցաւ:

Կատարինէն նոյնպէս փորձեց քնել, բայց այնպէս յուզուած էր, որ քունը չէր տանում: Մոմը հանգաւ և ճրագաւրանի մէջ միքանի կայծեր կային միայն: Սակայն Կատարինէն տեսնում էր սենեկի վերին մասնում մի լոյս: Նա գլուխը վերմակի տակից դուրս հանեց և այն սանդուղքի վերեւ, որով մօրաքոյրը գնացել էր, դրան բացուածքից տեսաւ մի լուսոյ նշոյլ: Նա չկարողացաւ համբերել և բորիկ ոտներով ու զգուշութեամբ բարձրացաւ սանդուղքը:

Սանդուղքը փայտից էր, ուստի Կատարինէն վախենում էր, թէ մի՞ գուցէ իւր քայլերի ձայնը լսուի: Բայց որովհետև ինքը շատ թեթեւ էր, ուստի առանց մի ոտնաձայնի հասաւ մինչև սանդուղքի վերջին աստիճանն և դրան ճեղքից ըսկրսաւ դիտել մօրաքոյրը սենեակը:

Ի՞նչ էք կարծում նա այնտեղ ինչ տեսաւ:

յմնց բնչոփ սխմյոս մշմիցատամ
 դմնոց ցո զժ ծարարոյ սխմյա րյոց
 —արացճ մ շարմոճ ցնՍ :նումնա րժժ
 :մյոսճ մմոյճ ցժժ ցնժ ցնժ ցնժ
 Նա տեսաւ մի փոքրիկ մաքուր սե-
 նեակ, որի մէջ տեղից կարուած էր մի
 լապտեր: Ոչ ոք չկար այնտեղ և Կատա-
 րինէն շփոթուած Հեռացաւ. նա զգաց,
 որ շատ վատ արաւ, ցանկանալով լափըշ-
 տակել մի գաղտնիք, որին արժանի չէր:
 Նա դարձեալ պառկեցաւ, ինքն իւրեան
 յանդիմանելով, որ պատճառ եղաւ վատ
 երազների: Արթնանալով վճռեց այլ
 ևս այնքան Հետաքրքիր չլինիլ, և սպա-
 սել, մինչև որ ինքը, մօրաքոյրը, կը
 ցանկանար բանալ իւրեան գոլտնիքը:
 Հեղինէն նորան տարաւ կովերը կթելու,
 յետոյ ի միասին կովերը քշեցին դէպի
 մարգագետին, եթէ կարելի է մարգադետին
 անուանել լերան անմշակ և խոտով ծած-
 կուած էջը: Բայց այսուամենայնիւ սա մի
 գեղեցիկ տեղ էր: Սառուցներից հոսող

ցուրտ ու լստակ ջուրը մի ժայռի մօտ
 իւր ընթացքից շեղուում և ջրվեժ էր
 ձևացնում, արօտատեղիի ծայրին:
 Կատարինէն, որ միայն ջրաղացի
 ամբարտակի մօտ էր տեսել ջրվեժ, այն-
 պէս էր հիանում այս ջրի վերայ, որի
 փայլից թէ և նորա աչքերը խողում
 էին, սակայն նա չէր դադարում նորա
 մէջ փայլող հազարաւոր գոհարների վե-
 րայ նայելուց: Սկզբում Կատարինէն վա-
 խենում էր Հեղինէի նման քարից քար
 թռչելով անցնել ջրվեժի վերայից, բայց
 յետոյ այնպէս վարժուեցաւ, որ երկու
 ժամից յետոյ այդ բանը նորա համար մի
 խաղ էր: Նա այժմ կամենում էր մի փոքր
 էլ սառնարանի վերայ բարձրանալ. Հե-
 ղինէն ցոյց տուաւ նորան, թէ մինչև
 ուր կարելի է բարձրանալ առանց խոր-
 խորատների հանդիպելու և սովորեցրեց
 թէ ինչպէս պէտք է քայլէ, որպէս զի
 չսայթաքի: Իրիկնապահին Կատարինէն

արդէն այնքան ընտելացել էր այդ երկրրին, որ մինչև անգամ սովորել էր մի քանի բառ տեղական բարբառից: Որովհետև բոլորը նորա համար նոր էր, ուստի նա շատ զուարճացաւ, և այնպէս սիրեց լեռները, որ երբ մայրն ասաց, թէ միւս օրը պիտի վերադառնան, շատ ցաւեցաւ: Մօրաքոյր Մարիամը խիստ բարի և ներողամիտ էր, Կատարինէն նորան լեռներից էլ աւելի սիրեց:

— Եւ ո՛րեմն, աղջիկս, ասաց Նղիսաբէթը, քո ցանկութիւնը կատարելու մի հնարք կայ միայն, այն է՝ քեզ պէտք է թողնել այստեղ: Մօրաքոյրդ ցանկանում է, որ դու իւր մօտ մնաս և խոստանում է քեզ էլ սովորեցնել իւր նման բուրդ գգել և մանել, բայց դորա համար հարկաւոր է ժամանակ և մեծ համբերութիւն, իսկ դու չափազանց աշխոյժ և թեթեամիտ ես: Այս պատճառով էլ քո այստեղ մնալուդ համաձայնութիւն

ես չտուի: Սակայն եթէ յոյս ունիս, որ կարող ես սովորել մօրաքրոջդ պէս լաւ մանել, ինչպէս արդէն գիտես ինձնից լաւ մանել, ես չեմ կարող արգելել, որ դու մի ժամանակ մօրաքրոջդ նման հարուստ և երջանիկ լինիս: Այդ մասին լաւ մտածելը քո գործն է:

Կատարինէն սիրտը շարժուած մօրը գրկեց և համբուրեց, և երգուեցաւ թէ չէ ցանկանում բաժանուել նորանից. բայց միւս օրն, երբ Նղիսաբէթը ասաց թէ լաւ չէ բաց թողնել օգտակար գործ սովորելու մի այսպիսի բարեսպատէ՛հ միջոց, — նա հնազանդուեցաւ:

Մի օրից յետոյ Նղիսաբէթը դարձեալ ասաց նորան. «Մենք հարուստ չենք, քո մեծ քոյրդ երեք որդի ունի, իսկ աւագ եղբայրդ հինգ. ես այրի եմ և ինձ շատ նեղում է այն հոգսը, թէ ծերութիւնս ինչպէս պէտք է անցկացնեմ:

Եթէ դու հարուստ և խելօք լինիս,

բոլոր մեր գերդաստանն էլ ներդրութիւնից կ'ազատես: Կայ այտեղ, Մարիամ մօրաքօյրդ քեզ շատ է սիրում: Նա ներողամիտ կը լինի քո պակասութիւններին, և ինչպէս ես տեսնում եմ, գեռ ևս կ'սկսէ քեզ փայփայել, շարունակեց Նղիսաբէթը: Դու այս կողմերը սիրում ես, երեք ամսից յետոյ ես դարձեալ կը վերադառնամ, և եթէ այն ժամանակ ցանկանաս, քեզ ևս ինձ հետ կը տանեմ, իսկ եթէ ոչ, դարձեալ այտեղ կը մնաս: Ով գիտէ, թերևս մօրաքօյրդ մի ժամանակ իւր բոլոր ունեցածը քեզ թողնէ:

Կատարինէն շատ լալիս էր, երբ մըտածում էր թէ մօրից պիտի բաժանուի:

— Դու էլ ինձ մօտ կ'աց, ասում էր նա մօրը և ես խոստանում եմ հիանալի կերպով սովորել բուրդ զգել և նուրբ մանել:

Սակայն Նղիսաբէթը հիւանդ էր հարենեաց կարօտով:

— Ոչ, պատասխանեց նա, եթէ ես

այտեղ մնամ, կամ կը մեռնիմ և կամ կը խելագարուիմ: Քեզ ու քեզ մէկ մտածիր, կամենում ես, որ այդպէս լինի: Միւս կողմից իրաւունք ունիս արդեօք մեզ օգտակար չլինել քանի որ կարող ես . . .

Կատարինէն հեծկտալով գնաց քրնելու և խոստացաւ մօրը, բոլոր նորախորհուրդները կատարելու: Միւս օրը շեղինէն Կատարինէին չարթնացրեց և մինչև ժամը իննը քնեցաւ: Արթնանալով իւր անկողնու մօտ տեսաւ մօրաքօյր Մարիամին, որ համբուրելով և զրկելով նորան ասաց.

— «Սիրելի Կատարինէ, քաջասիրտ և խելօք եղիր, մայրդ այս առաւօտ կանուխ ճանապարհ ընկաւ: Նա քնած ժամանակ համբուրեց քեզ բոլոր սրտով և խնդրեց ինձ ասելու, որ երեք ամսից յետոյ դարձեալ կը վերադառնայ: Մայրդ չկամեցաւ անթնացնել քեզ, որովհետև սիրտդ շատ

կը մորմոքէր նորա հեռանալը տեսնելով:
 Որովհետև Կատարինէն դարձեալ իւր
 լացը չէր կարողանում բռնել, ներողու-
 թիւն խնդրեց մօրաքոյր Մարիամից իւր
 տրտմելու համար: Իսկ մօրաքոյր Մա-
 րիամը ասաց. «Ընդհակառակն ոչինչ վատ
 բան չկայ, որ դու մօրդ հեռանալու վե-
 րայ վշտանում ես, այդպէս էլ պէտք է,
 և դու վատ աղջիկ կը լինէիր եթէ չափսո-
 սայիր նորա հեռանալու մասին, բայց ես
 քո օգտիդ համար, խնդրում եմ, որդեակ
 իմ, որքան կարելի է առաւել քաջասիրտ
 եղիր և խոստանում եմ ոչինչ չխնայելու,
 որ երջանիկ լինինք ՚ի միասին: Դու պէտք
 է մտածես նաև, որ քո մօր համար ա-
 ւելի ծանր էր քեզանից բաժանուիլն և
 միայն մի բան կարող է նորան մխիթա-
 րել, այն է, որ դու սիրով հնազանդուե-
 ցար նորա կամքին:

Կատարինէն իւր բոլոր ճիգը դրաւ
 զգացմունքներին յաղթելու համար, յետոյ

համբուրելով մօրաքրոջը խոստացաւ, որ-
 քան կարելի է լաւ աշխատել:

— Այս օր, պատասխանեց մօրաքոյրը,
 դու գնա՛ գրօսնելու և տրտմութիւնդ փա-
 րատելու, իսկ վաղը մենք գօրծը կ'սկսենք:

Փ.

Եւ յիրաւի, միւս օրը Կատարինէն
 առաջի դասն առաւ, բայց իւր սպասածն
 այդ չէր: Դեռ ոչ մի զաղտնիք բացուած
 չէր նորան: Մօրաքոյրը մի բոք տուաւ
 բուրդով պատած և ասաց. «Աշխատիր որ-
 քան կարելի է բարակ թել մանել»:

Առաջին անգամի համար, այսքան
 շատ բաւական էր, որովհետև իւր հայ-
 րենիքում կանեփից միայն հաստ պատ-
 տառի թել էին մանում: Կատարինէն
 գօրծին եռանդով կպաւ և մանածը վատ

չէր, բայց դեռ շատ հեռու էր իւր ցանկացածի նման մանելուց, այս պատճառով վախենում էր մանածը մօրաքրոջը ցոյց տալու: Կատարինէն յանդիմանութիւն ստանալու էր սպասում, բայց մօրաքոյրն ընդհակառակը գովեց նորան ասելով, որ առաջին անգամուայ համար այդ շատ լաւ է, իսկ վաղն աւելի լաւ կը լինի: Կատարինէն խնդրեց, որ ամբողջ օրն ինքը տանը մնայ, տեսնելու համար թէ մօրաքոյրն ինչպէս է մանում:

— Ո՛չ, պատասխանեց մօրաքոյրն, ես չեմ կարող աշխատել երբ ինձ են նայում: Այդ պատճառով միշտ իմ սենեակումն եմ աշխատում, իսկ քո հասակակիցները չեն կարող ամբողջ օրը տանը փակուած նըստել: Դու կարող ես աշխատել ինչպէս կամենաս, կամ զբօսնելով և կամ իմ կովերը արածացնելով: Աս քեզ երբէք չեմ ստիպիլ մի օր և է բան անելու, որովհետեւ տեսնում եմ, որ դու ծոյլ չես, այլ

աշխատում ես միշտ գործել ինչքան կարող ես:

ձիշտն ասած, Կատարինէն ամենեւին ծոյլ չէր, սակայն անհամբեր էր, իսկ այդ յատկութեամբ չէր կարող միայնակ սովորել մի այդպիսի մեծ գաղտնիք, որն իբրև մի բաժակ շաքարախառն կաթ, նա կամենում էր մի անգամից խմել: Ամենայն օր նա մի փոքրիկ յառաջադիմութիւն էր անում, ամէն երեկոյ մօրաքրոջը ցոյց էր տալիս իւր իլիկն, առաջի օրուանից առաւել բարակ թելով փաթաթուած, բայց ինքն իւր այդ յառաջադիմութիւնը չէր նկատում: Մի շաբաթից յետոյ, սկսաւ նա ձանձրանալ ու կշտացաւ մօրաքրոջից: Նորա քաջալերութիւնները համբերութիւնից հանում էին Կատարինէին: Մինչև անգամ խոնարհ ու զուարճասէր շեղինէն նորան զայրացնում էր իւր հանգարութեամբ:

Շեղինէի պարտականութիւնն էր հոգ

տանել Հօտին և կաթնեղէնի պատրաստութեան և ուրիշ ոչ մի գործ չունէր: Բենիամինը երբէք տանը չէր մնում, նա միշտ անտառումն էր բնակուում. իսկ եթէ տուն էր դառնում, այն ժամանակ սիրում էր գնալ որսորդութեան իւր շան ընկերակցութեամբ, բացի որից նա ոչ ոքի ընկերութիւնը չէր սիրում:

Կատարինէն յաճախ միայնակ էր մընում. մօրաքրոջը մի միայն ուտելու ժամանակ էր տեսնում. իրիկունը վաղ մօրաքորն իւր սենեակն էր առանձնանում աշխատելու համար: Իսկ Հեղինէն հէնց որ գլուխը բարձին գնում էր թէ չէ, սկսում էր խռմժփալ:

Կատարինէն երազում ցնորում էր և երբեմն էլ լաց էր լինում: Ինքն իւրեան ատում էր թէ այն եղանակով, որով Մարիամը նորան սովորեցնում էր, դեռ ևս մօրաքրոջ պէս մանել չսովորած, իւր մագերն էլ նորանին պէս պիտի սպիտա-

կին: Երբ մօրը լիշում էր, սկսում էր վախենալ նորա յանդիմանութիւնից, երբ երեք ամսից յետոյ գալով մայրը պիտի տեսնէր, թէ ինքն ոչ մի յառաջադիմութիւն չէ արել:

Մի առաւօտ Կատարինէն շատ վաղ դուրս եկաւ տնից. նա վճռեց այդ օրն այնպէս լաւ մանել, որ մօրաքորը վերջապէս բանար նորան իւր գաղտնիքը: Վեր առաւ իլիկն և նստաւ ժայռերի մէջ, որպէս զի ոչ մի կողմը չնայէ և ուշադրութիւնը չցրուի: Բայց կարօղ է արդեօք մարդ այդպէս մնալ: Նա ակամայ բարձրացրեց աչքերն և տեսաւ իւր գլխի վերեւի սառնարանն և լերան բաց գազաթը: Մինչև այժմս Կատարինէն չէր տեսել գազաթը, որովհետեւ նա միշտ ծածկուած էր լինում մշուշով: Երկինքը չափագանց պարզ էր: Կատարինէն սաստիկ յափշտակուեցաւ տեսնելով լեռների վերայի սպիտակափայլ ձիւնը, որ զարդա-

րում էր կապտագոյն երկինքն և կամեցաւ գնալ մինչև այնտեղ, բայց այդ շատ վտանգաւոր էր: Հեղինէն այդ մասին նորան նախազգուշացրել էր, իսկ մօրաքոյրն արգելել էր մինչև անգամ փորձելն, ասելով, որ միայն տղաները կարող են այնտեղ բարձրանալ:

Կասարինէն բաւականացաւ միայն անդադար հառաչելով այս սպիտակ գագաթներին նայելով, որոնք այնքան մօտ էին երևում, որ նա կամենում էր ձեռքով շօշափել, մինչ դեռ ինքն ըստ ինքեան շատ չհեռու էին: Այն ժամանակ նա տեսաւ այն, որ սկզբում երբէք չէր տեսել այս կողմերում: Փոքրիկ սոկէզոյն ամպերի կոյտերն անդամանդէ մանեակի նման շրջապատում էին ամենաբարձր գագաթը:

Ի՛նչպէս գեղեցիկ է, ասաց նա, և ի՛նչքան ես կը ցանկայի մի այնպիսի բարակ թէլ մանեկ, որի վերայ կարելի լինէր

այդ մանր մարգարիտները շարել: Այսպէս մտածելիս նա տեսաւ լերան ամենաբարձր գագաթին մի փոքրիկ, բայց փայլուն ու գեղեցիկ կարմիր կէտ, որ խաղում էր արեգակի ճառագայթների տակ, փոքրիկ ամպի մանեակների վերևը: Այս ի՛նչ կարող էր լինիլ. ծաղիկ, թռչնիկ թէ աստղիկ:



ԺԱ.

Այժմ եթէ ես ունենայի մօրաքրոջս արծաթի ակնոցները, ճշտութեամբ կ'որոշէի թէ ինչ բան է այն, որովհետեւ ես ինձ ասաց, թէ այդ ակնոցներով կարելի է տեսնել ամենայն ինչ, որ չի կարելի տեսնել հասարակ աչքով: Սակայն ըստիպուեցաւ միայն իւր աչքերով շատանալ: Շարունակ նայելով նա տեսաւ, որ փոքրիկ կարմրագոյն կէտը դէպի ինքն էր ձգում սոկէզոյն ամպերն, որոնք շրջապատեցին

և ծածկեցին նորան մինչև որ բուրովին անյայտացաւ այդ կէտը: Բուր այս փոքրիկ միացած ամպերի կտորները կազմեցին մի մեծ ամպ, որ ոսկի գնդակի նըման պտոյտ էր գալիս ամենաբարձր լեւրան գազաթի վերայ և փայլում էր ինչպէս աքաղաղը զանգակատան գլխին: Մի րոպէից յետոյ, այս գնդակը բարձրացաւ ու թռաւ, քանի որ նա թռչում էր, այնքան էլ աւելի փոքրանում էր. վերջապէս վարդի գոյն ստացաւ և այն ժամանակ Կատարինէի ականջին հասաւ նորա երգի ձայնը, որ բիւրեղի նման մաքուր էր և աշխարհիս ամէն երգերից գեղեցիկ:

— Բարև Կատարինէ, ճանաչում ես դու ինձ:

— Այո՛, այո՛, ես քեզ ճանաչում եմ, ես դրել եմ քեզ իմ գոգնոցիս մէջ: Դու իմ փոքրիկ բարեկամն ես, այն վարդագոյն ամպիկն, որ խօսել գիտէ, որի հետ ես այժմ խօսում եմ և որի խօսքերը լսում

եմ: Իմ թանկագին ամպիկ, դու երբեմն երբեմն չիմարանում ես, դու իմ գեղեցիկ ծաղկած խնձորենին կտորատեցիր, բայց ես ներում եմ քեզ: Դու շատ գեղեցիկ վարդի գոյն ունիս և ես քեզ շատ եմ սիրում:

— Այ, Կատարինէ, պատասխանեց ամպը, բո՛ խնձորենին ես չկտորեցի, այլ փոթորիկն, այն չարագործն, որ բնակվում է իմ սրտիս մէջ և ստիպում է ինձ չարանալու: Բայց նայիր, ես ինչպէս հեզ և հանդարտ եմ, երբ դու ինձ նայում ես քաղցրութեամբ: Ինչու՞ դու մի անգամ ստուճարանի գազաթը չես գալիս: Այնտեղ բարձրանալն այնպէս դժուարին չէ, ինչպէս քեզ հաւատացրել են, մինչև անգամ շատ հեշտ է, եթէ միայն կամենաս: Բացի դորանից ես այնտեղ կը լինիմ, եթէ դու վայր կ'ընկնես, իմ վերայ կ'ընկնես և ես քեզ կը պահպանեմ, որ չվնասուիս: Ս'կ վաղը, Կատարինէ, եկ հէնց լուսաբացին:

ես ամբողջ գիշերը քեզ կը սպասեմ և եթէ դու չգաս, այնպէս կը վշտանամ, որ տաք տաք արտասուքների մէջ կը թաղուիմ և վաղը ամբողջ օրն անձրև կը գայ:

— Կը գամ, ասաց Կատարինէն, անպատճառ կը գամ և հազիւ թէ արտասանեց այս խօսքերը, յանկարծ լսեց մի թնդանօթի թնդիւն, որին հետևեց մի մետաղի փայլ: Նա այնպէս վախեցաւ, որ սկսաւ փախչիլ, կարծելով թէ նենգաւոր ամպը զարձեալ դաւաճանում է իւրեան, բարութեանը չարութիւն փոխարինելով: Երբ նա բոլորովին շփոթուած դէպի տուն էր վազում, յանկարծ պատահեցաւ Բենիամինին, որն իւր շան հետ միասին հանդարտ գնում էր:

— Միթէ դո՞ւ էիր, հարցրեց Կատարինէն նորան, որ այդ ձայնը արձակեցիր քո հրացանով:

— «Այդ թնդիւնը որն որ լսուեցաւ,

պատասխանեց Բենիամինը ծիծաղելով, — ո՛չ, այն իմ հրացանի ձայնը չէր և ոչ էլ որոտման, այլ ձեան հիւան էր այն ձայն հանողը:

— Ի՞նչ ես կամենում ասել, քնչ բան է ձեան հիւար:

— Ձեան հիւան արեգակից հալուած սառուցի կտորն է, որ սարից սար է գլորվում, տանելով իւր հետ ճանապարհին պատահածը, քարեր, երբեմն էլ ծառեր, հող և պատահմամբ հանգիպած մարդիկ: Միայն այսպիսի անբաղդութիւններ շատ հազիւ են պատահում: Դու այդ երևոյթին պիտի ընտելանաս, որ լեռների մէջ շատ սովորական բան է: Այժմ գեղեցիկ եղանակներին ամենայն օր և գուցէ ամենայն ժամ կը տեսնենք այդ երևոյթը:

— Ես կ'ընտելանամ դորան, բայց, Բենիամին, քանի այստեղ ես, խնդրեմ մի ասա, կարող ես սառնարանի ամենաբարձր գագաթը բարձրանալ, դու տղամարդ ես և ոչնչից չես վախենում:

— Ո՛չ, պատասխանեց Բենիամինն, այսպիսի գազաթների վերայ չեն բարձրանում, բայց ես շատ անգամ նորան մօտեցել եմ և ոտս դրել եմ հէնց նորա ստորոտին: Այժմ տարուայ այն եղանակը չէ, որ այդպիսի տեղերում կարելի լինի զբօսորդի. այժմ սաստիկ շոգ է և ամէն ըրպէ համարեա սառուցի նոր-նոր կտորներ կարող են պոկուել և զլորուել:

— Արդեօք, չես կարող դու ինձ ասել, թէ ինչ բան է այն կարմիրն, որ երբեմն երբեմն երևում է լերան ամենաբարձր գագաթին:

— Մի թէ դու տեսել ես այն կարմիր կէտը: Ինչպէս երևում է լաւ աչքեր ունիս: Այն տեսածդ մի դրօշ է, որ ճանապարհորդներն ահա մի ամիս կը լինի, որ խփել են սառնարանի գլխին, որ իմացնեն ստորոտից անցնողներին, թէ իւրեանք կարողացել են բարձրանալ մինչև այնտեղ, բայց նորանք սաստիկ քամուց ստիպուե

ցան շուտով հեռանալու այնտեղից, ուստի այնտեղ մի դրօշ թողին: Քամին այդ դրօշը տարաւ սառուցի ամենաբարձր ծայրը, ուր և մնացել է մինչև այժմ և ծածանվում է մինչև որ մի փոթորիկ կը պոկէ նորան և կը տանի իւր հետ մի ուրիշ տեղ կը ձգէ:

Կատարինէն պէտք է բաւականանար Բենիամինի տուած բացատրութեամբ, բայց նորա գլխում տարօրինակ մտքեր սկսան յառաջ գալ, երբ նա տեսաւ հեռուից մօրաքոյր Մարիամին, որ գլուխն և ուսերը ծածկած իւր կարմիր շալով, ջրջում էր սառնարանի ստորոտում: Նա շատ հեռու չէր, ուստի և Կատարինէն իսկոյն ճանաչեց և թէպէտ խեղճ աղջիկն առաւօտն երեք կանգուն թել անգամ չէր մանել, սակայն իսկոյն զիմաւորեց մօրաքրոջը, ձեռքում բռնած կանեփով փաթաթած իլիկը դադարկ ոլոզով:

մենայն իրաւամբ ասում են, որ դուք
 պարկիկ նման էք աշխատում:
 — Նոյնն ինձ էլ են յաճախ ասում, պա-
 տասխանեց տիրուհի Մարիամը, բայց այդ
 խօսակցութեան մի ձև է միայն, սակայն
 այնուամենայնիւ ես պարկիկ չեմ: Ինչպէս
 տեսնում եմ քո փոքրիկ զլուխը լցուած
 է ծաղրելի ցնորքներով. բայց ոչինչ,
 այդ քո հասակիցդ է, ի հարկէ ես չեի
 ցանկանալ տեսնել քեզ այնքան խոհուն, որ
 քան ես եմ, որովհետեւ այդ դեռ չափազանց
 վաղ է քեզ համար: Սակայն պէտք է մի փո-
 քրքր խոհեմութիւն ունենալ, իմ սիրելի Կա-
 տարինէս: Ես տեսնում եմ, որ դու այսօր
 շատ քիչ ես մանել:
 — Աւանդ, մօրաքոյր, դուք կարող էք
 նաև ասել, որ ես բոլորովին իսկ չեմ մա-
 նել այն օր:
 — Մի լար, որդեակ, դեռ շատ կը
 մանես, հարկուոր է միայն ժամանակ և
 համբերութիւն:

— Ախ, դուք միշտ այսպէս էք ա-
 սում, բացականչեց Կատարինէն անհամ-
 բերութեամբ, դուք չափազանց համբերող
 էք, իմ սիրելի մօրաքոյր, դուք ինձ հետ
 վարվում էք ինչպէս մի երեխայի, և ինձ
 ընդունակ չէք համարում շուտ սովորելու
 մի գաղտնիք, սակայն եթէ կամենայիք...
 — Լսիր, ասաց մօրաքոյրը, դու, ինչ-
 պէս տեսնում եմ, դժգոհ ես ինձանից,
 իբր թէ ես ծածկում եմ քեզանից մի
 այնպիսի գաղտնիք, որ պէտք է փոխա-
 րինէ կամքի հաստատութեանը և տոկոս-
 նութեանը: Ես քեզ բացէ ի բաց յայտ-
 նում եմ, որ ոչ մի այդպիսի գաղտնիք
 չգիտեմ և ոչ ոք ինձ մի այդպիսի բան չէ
 սովորեցրել: Չլինի՞ դու մոլորուել ես: Իու-
 մի բան ունիս մտքումդ, որ ես չեմ կա-
 բողանում գուշակել, կը կամենամ արդեօք
 սիրտդ ինձ բանալ, որ ես կարողանամ
 կարդալ թէ նորա մէջ ինչ կայ:
 — Այո, կամենում եմ, պատասխանեց

Կատարինէն, մամուսպատ մի քարի վերայ
 նստելով տիրուհի Մարիամի հետ: Եւ ձեզ
 բոլորը կը պատմեմ, որովհետեւ մի յան-
 ցանք է ծանրանում իմ խղճիս վերայ և
 կարծեմ թէ այդ է պատճառը իմ փոքր
 ինչ անխելքութեանս:

Կատարինէն մօրաբրոջը խոստովա-
 նութեցաւ իւր հետաքրքրութիւնը և պատ-
 մեց թէ ինչպէս դրան ձեզբից նայել էր
 նորա սենեակը: Եւ նայած ու յայտնեց
 ինչ որ ինչ հետեւեց և ոչ մի գաղտ-
 նիք բաց չարի, աւելացրեց նա, դուք սոյն-
 տեղ չէիք: Բայց եթէ այնտեղ լինէիք, ես
 կը տեսնէի ձեզ աշխատելիս և ձեր գաղտ-
 նիքը կ'իմանայի:

Դու ամենեւին ոչինչ չէիր կարող
 իմանալ, սպասասխանեց տիրուհի Մարիա-
 մը, դարձեալ կրկնում եմ, որ ոչ մի գաղտ-
 նիք չունիմ: Եթէ դու ներս մտնէիր իմ
 սենեակը, այնտեղից կարող էիր բարձրա-
 նայ սանդուխքով իմ գործարանս: Այն-

տեղ եմ ես զգում այն, որին այստեղացիք
 ասոյ են անտանում. որովհետեւ մեր բնա-
 կութեան սենեակները բուրդ գգելու հա-
 մար անյարմար են, վասն զի փոքրիկ
 նրբաթելերը քթի ռունդների մէջ են
 մտնում և այնտեղից գնում ու թոքերի
 վերայ նստում: Ահա, թէ ինչու ես պա-
 րապում եմ տան ամենաբարձր սենեա-
 կում, այնտեղ քամին ազատ շարժում է
 և բրդի մասնիկները տանում է իւր հետ,
 որ վնասակար են քեզ, նոյնպէս և ուրիշ-
 ներին: Բայց դու ինչ բոլորը չասացիր,
 Կատարինէ, թէ ինչու շարունակ ամպերի
 վերայ ես խօսում: Մի գուցէ դու խառ-
 նում ես բերկնային ամպերը իմ մանած
 բարակ ու նուրբ գործուածքի հետ, որ
 մեր երկրում ճարտար մանուկներն ամպ
 են կոչում, նորա անսովոր թեթևու-
 թիւնը ցոյց տալու համար:

Կատարինէն սպոտիկ ամաչեց տես-
 նելով, որ ինքը լիմարութեամբ չէ հաս-

կացել մի հասարակ խօսք և որ մի այդ պիսի այլաբանութեան վերայ կառուցել է հազարաւոր ցնորական բաներ: Սակայն մօրաքրոջ այս բոլոր բացատրութիւնները դեռ նորա տեսածը չէր բացատրում, ուստի կամենալով իւր սիրտը հանդարտացնել, սկսաւ պատմել ինչ որ դիտէր իւր վարդազոյն ամպի մասին:

Տիրուհի Մարիամն առանց յանդիմանելու և ծաղրելու լսեց նորա բոլոր ասածները:

Փոխանակ եղիսարէթի պէս նորան վիրաւորելու և լռեցնելու, կամեցաւ իմանալ նորա փոքրիկ գլխի մէջ եղած բոլոր ցնորքները, վերջը նա մտածող կերպարանք առաւ և մի քանի բոպէ լռելուց յետոյ ասաց.

— Ես տեսնում եմ, որ դու սիրում ես հրաշալիք, բայց դորանից պէտք է զգուշանալ: Ես ինքս երբ դեռ մանուկ էի, միշտ մտածում էի մի վարդազոյն ամպի

մասին. երբ վերջապէս նորահաս աղջիկ էի, հանդիպեցայ նորան: Նա ոսկի շորեր էր հագել և մի մեծ սպիտակ փետուր ունէր . . .

— Ի՛նչ էք ասում, մօրաքոյր: Ձեր ամպը հագնուած էր, նա մի սպիտակ փետուր ունէր գլխին:

— Այդ միայն խօսքի մի ձև է, կատարինէ, նա մի շատ և շատ փայլուն ամպ էր և ուրիշ ոչինչ: Այդ մի փոփոխական բան էր, այդ մի ցնորք էր միայն: Նա էլ փոթորիկ յարոց և հաւատացնում էր թէ ինքը մեղաւոր չէ, որովհետև կայծակը իւր սրտումն է բնակվում: Եւ մի գեղեցիկ օր, այսինքն աւելի լաւ է ասել, մի թշուառ օր, ես էլ քիչ էր մնացել, որ քո ծաղկած խնձորենու նման ջարդ ու փշուր լինէի. բայց դորանով ես ուղղուեցայ ու սկսայ այլ ևս ամպին հաւատ չբնծայել և այնուհետև այլ ևս չտեսայ նորան: Մի հաւատար, կատարինէ, անց-

նող ամպերին, նամանաւանդ վարդազոյն
 ամպերին: Նորա լաւ եղանակներ են խոս-
 տանում, բայց փոթորիկ են ծնում: Ուրեմն,
 աւելացրեց նա, դէհ ան քո իլիկդ և
 սխիբ մանել, կամ մի փոքր քնիր: այնու-
 Հետեւ աւելի լաւ կարող ես մանել: Եր-
 բէք վհատիլ և յուսահատուիլ հարկաւոր
 չէ, ցնորքները կ'անցնին և աշխատանքը
 կը մնայ:

Կատարինէն փորձեց մանել մօրա-
 քրոջ հետ խօսակցելով, բայց հետզհետէ
 նորա աչքերը փակուեցան և իլիկը ձեռ-
 քից վայր ընկաւ:

*Քիս այս գլխիս
 Հոս կարգարիւնի էրայնէ
 Ք. Գ.*

Կատարինէն յանկարծ մի հարուած
 զգաց, որ նման էր երկրաշարժի. նա
 վեր թռչելով նայեց և տեսաւ իւր մօտ
 կանգնած մօրաքոյր Մարիամին, որին ա-

ռաջին անգամ սաստիկ բարկացած տեսաւ:
 Նորա կարմիր ծածկոցը գլխից ընկել էր
 ուսերի վերայ, իսկ արծաթագոյն մազերը
 ծածանում էին որպէս ճաճանչ նորա գե-
 ղեցիկ և գունատ երեսի վերայ:

— Իու ննջում ես, ծոյլ, ստաց նա
 բարկացած, ես քո կամքին թողի, որ ա-
 նես ինչ կամենում ես, իսկ դու քնելն
 աւելի լաւ համարեցիր, դու միշտ առանց
 մի բան շինելու ցնորում ես շարունակ:
 Ոտքի ել և Հետեւիր ինձ, ես տեսնում
 եմ, որ հարկաւոր է քո առաջ բանալ իմ
 գաղտնիքը: Իու այժմ իսկ կ'իմանաս այդ:

Կատարինէն վեր ելաւ և դեռ քնա-
 թաթախ մօրաքրոջն հետեց, հազիւ
 կարողանալով հասնել նորա յետեւից, որով
 Հետեւ պառաւը քամուց էլ սրագ էր գը-
 նում և զարմանալի թեթեւութեամբ բար-
 ձրրանալով շափիւղայի և զմրուխտի սան-
 դուխների վերայով, վերջապէս նորա հա-
 սան մի հրաշալի անգամանդէ ամրոցի,

ուր քայլում էին սպիտակ ազիսների մորթուց գործած գորգերի վերայ: Բիւրեղի սիւնների մէջ տեղով նա շուտով բարձրացաւ այդ հրաշալի շինութեան ամենաբարձր ծայրը:

Ահառատիկ, մենք սառնարանի գազաթին ենք, ասաց մօրաքոյրը մի գարշելի ծիծաղով, այժմ քաջուցիւն է հարկաւոր, կարող ես ինձ հետ ամենաբարձր գազաթը բարձրանալ: Բռնիւր իմ շորերից, այժմ էլ երկիւղը մի կողմ պէտք է թողնել, վարդադոյն ամպը քեզ է սպասուած, որովհետեւ դու նորան խօսք ես տուել:

Կատարինէն բռնեց մօրաքոյրը շրջադդեպտից, բայց սայթաքեց և չկարողացաւ բարձրանալ: Այն ժամանակ մօրաքոյրը ասաց նորան. «Բռնիւր այս պարանից և մի վախենար:

Եւ տուաւ նորան մի այնպիսի բարակ թելի ծայր, որ հազիւ կարելի էր

աչքով տեսնել: Սակայն կատարինէն բռնեց նորա ծայրից, թէ և ամէն րոպէ սայթաքելով բոլոր ուժով ձգում էր թելը, բայց դա չկարուեցաւ երբէք:

Այսպիսով նա բարձրացաւ ամենաբարձր ու սրածայր գագաթը, ուր մօրաքոյրը նորա ձեռքից իրիկը խեց և խըրելով ձեան մէջ, ասաց զարհուրելի ձայնով. «Որովհետեւ դու սորան բանացնել չկարողացար, ուստի ահա քեզ մի յարմար գործիք»:

Եւ տուաւ նորան երկայն և մեծ եղևնու նման մի թաւուտ աւել: Կատարինէն վստահութամբ ձեռն առաւ աւելը և տեսաւ, որ շատ թեթեւ էր:

— Այժմ, ասաց մօրաքոյրը, պէտք է աւելես:

Եւ յանկարծ մի խիտ հարուած ապւով ձգեց նորան օդային տարածութեան մէջ:

ԺԴ.

... անցի մեկնիցառասի մյախակն : յմնման իտգլա
... քսոսց մնես մ ի ինչիցսոճ ազոմ բմմ
... ցլլննի պլ նուրճ իսեւո զոյոյ իոյլմգաեկյաո

Կատարինէն կարծում էր, թէ լերան
զազաթից վայր է ընկնում, բայց այդպէս
չեղաւ: Նա օդի մէջ կախուեցաւ այն թե-
լից, որ մօրաքոյրը կապել էր նորա ձեռ-
քից, որով և կարողանում էր ամպերի
վերայով քայլել այնպէս ազատ, ինչպէս
մարգագետնի վերայ:

— Դէհ, աւելիր, կանչում էր տիրուհի
Մարիամն, այդ բոլոր ամպերն ինձ մօտ
հաւաքիր, բոլորն էլ հարկաւոր են ինձ,
բոլորն էլ, առանց բացառութեան:

Կատարինէն աւելում էր և աւե-
լում, բայց ո՛չ երբէք այնքան լաւ և այն-
քան շուտ-շուտ, ինչպէս որ մօրաքոյրն
էր ցանկանում, որ անդադար գոչում էր.
«Աւելիր, աւելիր աւելի լաւ, ահա՛ այս-
տեղը, այնտեղը, աւելիր և կոյտեր կազմիր:
Միթէ քեզ եզներով կառքեր էլ է հար-

կաւոր, որ կարողանաս այդ բոլոր ամպերն
այստեղ բերել:

Կատարինէն վազում էր երկնքի վերայով
և կոյտեր էր կազմում իւր մեծ աւելով
հաւաքած բոլոր ամպերը: Մի բոպէում
նա ամբողջ երկինքը մաքուր աւելեց:

— Այդ կոյտերը բեր ինձ, կանչում
էր տիրուհի Մարիամը, հաւաքիր, հաւաքիր
ամէն կողմից, այդ բոլորը պէտք է մի
կոյտ շինել, որ կարողանամ ձեռքիս մէջ
բռնել:

Կատարինէն մղում ու կուտում էր,
իսկ տիրուհի Մարիամն հաւաքելով կազ-
մում էր մի վիթխարի դէպ, որ ծածկում
էր ամբողջ սառնարանի զազաթը:

Այժմ այստեղ եկ, գօչեց նա,
պէտք է ինձ օգնես. բայց դու սպասիր
ախնոցներս դնեմ:

Նա դրաւ իւր կեռ քթին այն ար-
ծաթի ակնոցները:

— Ի՛նչ եմ տեսնում, բացականչեց

նա, դու մոռացել էս վարդազուն ամպը: Միթէ կարծում ես, որ ես կը խնայեմք՝ գեղեցիկ բարեկամիդ: Վազիր շուտով նորա յետեից և մի թողնէր որ փախչի: Վարդազուն ամպը Կատարինէին վազեցրեց շատ երկար ժամանակ և քամուց տարտելով պիտի անյայտանար: Կատարինէն իւրեան օդի մէջ պահող թելը ձգեց նորա վերայ և իսկոյն ամպն ընկաւ նորա գոգնոցը, երգելով քաղցր ու ողբալի ձայնով. «Իմ սիրելի փոքրիկ գոգնոց, դու, որ մի անգամ ինձ ազատել ես, ազատիր և այժմս: Կատարինէ, բարի Կատարինէ, խղճացիր վերաս և մի տար ինձ մանողի ձեռքը: Կատարինէն վերադարձաւ մօրաքրոջ մօտ: Նա գոգնոցը բարձրացրել և կապել էր իւր շուրջը, կարծելով թէ մօրաքոյրն որ շատ զբաղուած էր, այդ բանի վերայ ուշադրութիւն չի դարձնել: Իրաւի մօրաքոյրը շատ զբաղուած էր, դէպք հարթե-

լուց և գգելուց յետոյ, սկսաւ բարակ սանտրը ձեռին ամպը մանել, և այս գործողութիւնը նա այնքան շուտ էր անում, որ մի ընկաւ քոյրը արգէն վերջացած էր: Կատարինէն կուսցաւ, որ այդ սպիտակ, աչք խաւրեցնող բամբակից իւր գիրկը ածէ, բայց յանկարծ գոգնոցը պատառուեցաւ և վարդազուն ամպն ընկաւ դէզի վերայ:

— Ահ, խաբեբայ, ասաց մօրաքոյրն, ամպը սանգերքի վերայ ձգելով: Դու կարծում էիր թէ ես նորան չեմ տեսնում: Դէզի մէջ վարդազուն ամպը, դէզի մէջ, ինչպէս և միւսներն են:

Մօրաքոյր, մօրաքոյր, շնորք եմ խնդրում դորա համար, շնորհք իմ փոքրիկ վարդազուն ամպիս. գոչեց Կատարինէն:

— Փաթաթիր այդ ըոքի վերայ, պատասխանեց տիրուհի Մարիամն, ահա, գրգուեցաւ, թել մանիլ դորանից, շուտ, շուտ, որովհետև ես այդպէս եմ կամենում:

կատարենէն առաւ իւր ըոքը և ըս-
կըսաւ աչքերը խփած մանել, որպէս զի
չտեսնէ խեղճ ամպի հողեւարքի ջանքերը:
Նա լսեց մի հանդարտ լացի ձայն, կա-
մենում էր վայր ձգել ըոքը և փախչել,
բայց ձեռները փետացան և աչքերը մըթ-
նեցան ու յանկարծ արթնացաւ և տե-
սաւ, որ ինքը քնած էր մամուսպատ քարի
վերայ մօրաքրոջ մօտ, որ նոյնպէս քը-
նել էր:

Վարդ *Բրայր*



ԺԵ.

Նա վեր կացաւ և արթնացրեց տի-
րուհի Մարիամին:

— Այսօր մենք երկուսս էլ ծուլա-
ցել ենք: մենք երկուսս էլ քնել ենք, ա-
սաց մօրաքոյրը համբուրելով նորան: Ար-
դեօք երազումդ բուն շտեստը:

— Ախ այժ, մօրաքոյր, ես տեսայ, որ
այնպէս լաւ էի մանում, ինչպէս և դուք,
բայց աւանդ, իմ մանածը վարդագոյն
ամպս էր:

— Շատ լաւ, սրդեանկ, զիտացիր ու-
րեմն, որ ես էլ շատ ժամանակ է արդէն,
որ մանել եմ իմ ամպս:

«ՎԱՐԴԱԳՈՅՆ ԱՄՊ» Ս

Իմ կամայով որ ու թիւնս, իմ երևա-
կայութիւնս, իմ վատ բաղդս
էր. ես դոցա փաթաթեցի ըոքիս և աշ-
խատանքը, գեղեցիկ և ազնիւ աշխա-
տանքը, պատրաստեց այդ թշնամիներից
մի այնպիսի բարակ թել, որի ծանրու-
թիւնը այլ ևս չէի զգում: Հետեւիւր իմ
օրինակին: Դու չես կարող արգելել ամպե-
րին անցնել քո մօտով, բայց դու պէտք է
քաջարտութեան պաշար ժողովես: Դու
նոցա կը բռնես, կը զգես, կը մանես
այնպէս լաւ, որ նոքա այլևս չեն կարող

փոթորիկ յարուցանել ոչ քո մէջ և ոչ
քո շուրջը:

Կատարինէն լաւ չհասկացաւ խրատը,
բայց այլ ևս վարդագոյն ամպը չտեսաւ:
Երեք ամսից յետոյ, երբ մայրը եկաւ
նորան տեսնելու, Կատարինէն արգէն ա-
ռաջուանից տասնապատիկ լաւ էր մա-
նում, իսկ մի տարի յետոյ, նա այնպէս
ճարտար էր մանում, ինչպէս մօրաքոյր
Մարիամն, որի հարստութեան ժառանգը
էլ ինքն եղաւ:

4585 Գաղափարներ և Թարգմանքներ



Հայաստանի Ազգային գրադարան



NL0439024

1790/s